


大明集禮

十五



庫文閣內			
四九函	一九〇〇	漢	書
二架	八〇	冊	號
		類	

庫文閣內			
三九函	一九〇〇	漢	書
九架	八〇	冊	號
		類	

內閣文庫			
番號	漢	1900	
冊數	80(15)		
函號	295	24	




A 1 2 3 4 5 6 M 8 9 10 11 12 13 14 15 B 17 18 19

Kodak Gray Scale



© Kodak, 2007 TM: Kodak






大明集禮卷之十

吉禮十

王國社稷

總敘


周制。諸侯為百姓立社曰國社。自為立社曰侯社。國社在公宮之右。侯社在籍田。又周禮。凡封其國。設其社稷之壇。令社稷之職。小司徒。凡建邦國。立其社稷。其壇制半於天子。廣二丈五尺。受土各以其方之色。冒以黃。為壇皆立樹以表其處。又別為石主以象神。




大明集禮
 卷之十


牲用少牢皆黝色。用黑幣。此諸侯祭社稷之禮。見於
 經傳者也。**漢**封諸侯王。見於史者。若武帝立子閔為
 齊王。策曰。受茲青社。且為燕王。策曰。受茲玄社。胥為
 廣陵王。策曰。受茲赤社。褚少孫曰。諸侯始封。必受土
 於天子之社。歸立之。以為國社。以歲時祀之。天子之
 社五色。諸侯封於東方者。取青土。封於南方者。取赤
 土。封於上方者。取黃土。各取其色。物裹以白茅。封以
 為社。自**唐**至**宋****元**封建不行。故闕其制。


國朝






集禮卷之十







集禮卷之十

四





集禮卷十五



王國祭社稷儀注

齋戒。前期。王散齋四日于別殿。王相府官于寢。王致齋三日于正殿。王相府官于公廡。

省牲。先祭二日。執事設王次于北門外道西南向。先祭一日。典儀與祠導王至次。執事者各執事。典儀與祠導省牲于北門。南向立。執事者自門東率牲西行過王前。省訖。牽牲詣神厨。典儀與祠導王詣神厨。視鼎鑊。視滌漑。訖。典儀與祠導王還次。

陳設。先祭一日。典祠恭視社主。設太社神位於社壇上之南。北向。設太稷神位於稷壇上之南。北向。後土神位於社壇上之東。西向。後稷神位於稷壇上之西。東向。設王拜位於壇內。當兩壇之北。居中南向。典祠位于王之南。東西相向。典儀位于典祠之南。東西相向。司禮司贊二人位于兩壇之北。司禮在東。司贊在西。相向。王府文官陪祭位於王位之西北。王相府武官位於王位之東北。引文武官班位於文武官位之東西。樂生舞生位方設於兩壇之北。王位之東西。樂生居前。舞生居後。盥洗位於稷壇東北。司盥洗位於盥洗位之後。爵洗位於盥洗位之南。司爵洗位於爵洗位之後。奉爵位於爵洗位之前。酒尊位於兩壇北。陛下。太社酒尊在陛之東。太稷酒尊在陛之西。篚幣按位于酒尊所之南。奉幣者位于篚幣之後。飲福位于社主之北。讀祝位于諸神位之右。籩豆簋登鉶位于神位之前。牲按位于籩豆之前。香燭按於按之前。

正祭。祭日清晨。典祠率執事者。各實尊罍。盥盥豆登。鉶置幣于案。祝版于諸神位之右。樂生舞生入就位。諸執事入就位。典祠啓王服冕服。與典儀同導王至拜位。南向立。迎神。司禮唱迎神樂工奏之曲。樂止。司禮唱請行禮。典祠啓有司謹具。請行事。啓鞠躬拜。興。拜。興。平身。司禮唱在位陪祭官再拜。司贊唱鞠躬。拜。興。平身。王與陪祭官鞠躬。拜。興。拜。興。平身。

奠幣。司禮唱奠幣。典祠啓詣盥洗位。典儀典祠導王至盥洗位。典祠啓拈圭。王拈圭。典祠啓盥手。司盥洗者酌水。王盥手訖。司巾者以巾進。典祠啓悅手。王悅手訖。典祠啓出圭。王出圭。典祠啓詣太社神位前。樂工奏之曲。奉幣者奉幣前行。典祠啓跪。拈圭。王跪。拈圭。掌祭詣案取香跪進于王之左。典祠啓上香。上香。三上香。王三上香訖。奉幣者奉幣跪進于王之右。王受幣奠于太社神主前訖。典祠啓出圭。王出圭。啓

鞠躬拜興。拜興。平身。王鞠躬拜興。拜興。平身。樂止。典祠啓詣后土勾龍氏神位前。與典儀導啓如前。如前儀訖。啓詣太稷神位前。與典儀導啓如前。儀訖。啓詣后稷神位前。與典儀導啓如前。儀訖。典祠啓復位。與典儀導王復位。

進熟。執事升牲于俎。陳饌幔。王奠幣畢。復位。司禮唱進俎。樂工奏之曲。執事舉俎至大

社壇前。進俎官以俎升自子陞。典祠啓進俎。與典儀導王升壇。至太社神主前。南向立。進俎官

以俎進。典祠啓搯圭。王搯圭。以俎奠于太社神

主前。典祠啓出圭。王出圭。典祠啓詣后土神位

前。與典儀導啓如前。儀訖。進俎官降自西陞。典

儀典祠導王降自子陞。詣太稷壇。進俎官以俎

升自子陞。典祠啓搯圭。王搯圭。以俎奠于太稷

神位前。典祠啓出圭。王出圭。啓詣后稷神位前。

與典儀導啓如前。儀訖。進俎官降自西陞。典儀

典祠導王降自子陞。復位。

初獻。司禮唱行初獻禮。典祠啓行初獻禮。啓

典祠啓。上香。上香。三上香。王三上香。訖。執爵官奉爵跪進于王之右。典祠啓受爵。祭酒。祭酒。三祭酒。奠爵。王受爵。三祭酒。奠爵。訖。樂舞止。典祠啓出。圭。王出。圭。讀祝。官取祝版於神右。西向跪讀訖。樂舞作。典祠啓俯伏。興。拜。興。平身。王俯伏。興。拜。興。平身。樂舞止。典祠啓詣后土氏神位前。與典儀導啓如前儀。訖。典祠啓詣太稷酒尊所。典儀導王至酒尊所。如前儀。樂工奏之曲。之舞。典祠啓詣太稷神位前。詣

后稷氏神位前。皆如詣太社神位前之儀。典祠啓復位。與典儀導王復位。

亞獻。司禮唱行亞獻禮。典祠啓行亞獻禮。啓詣爵洗位。與典儀導王至爵洗位。典祠啓搯圭。王搯圭。執爵者以爵進。典祠啓受爵。王受爵。典祠啓滌爵。司盥洗者酌水。王滌爵。訖。典祠啓拭爵。司巾者以巾進。王拭爵。訖。典祠啓以爵授執事者。王以爵授執爵官。執事者復以爵進。典祠啓受爵。王受爵。典祠啓滌爵。司盥洗者酌水。王

滌爵訖。典祠啓拭爵。司巾者以巾進。王拭爵訖。典祠啓以爵授執事者。王以爵授執爵官。典祠啓出圭。王出圭。啓詣太社酒尊所。與典儀導王至酒尊所。執爵官奉爵從行。典祠啓搯圭。王搯圭。司尊者舉冪。執爵官以爵進。典祠啓受爵。王受爵。司尊者酌盞齊畢。典祠啓以爵授執事者。王以爵授執爵官。執爵者復以爵進。典祠啓受爵。王受爵。司尊者酌盞齊畢。典祠啓以爵授執事者。王以爵授執爵官。執爵官前行。典祠啓出圭。王

出圭。樂工奏

之曲。

之舞。典祠啓詣太

社神位前。與典儀導王至位前。典祠啓跪。搯圭。王跪。搯圭。掌祭詣案取香。跪進于王之左。典祠啓上香。上香。三上香。王三上香。訖。執爵官奉爵跪進于王之右。典祠啓受爵。祭酒。祭酒。三祭酒。奠爵。王受爵。三祭酒。奠爵訖。典祠啓出圭。王出圭。啓俯伏。典拜。典拜。典平身。王俯伏。典拜。典拜。典平身。樂舞止。典祠啓詣后土氏神位前。與典儀導啓如前儀。訖。典祠啓詣太稷酒尊所。典儀

導王至酒尊所。如前儀。樂工奏之曲。

之舞。典祠啓詣太稷神位前。詣后稷氏神位前。

皆如詣太社神位前之儀。典祠啓復位。與典儀

導王復位。

終獻。司禮唱行終獻禮。典祠啓行終獻禮。與

典儀導啓如亞獻之儀。樂工奏之曲。

之舞。

飲福受胙。司禮唱飲福受胙。執事酌福酒舉

胙肉。典祠啓詣飲福受胙位。與典儀導王至飲福

受胙位。典祠啓鞠躬拜。興。平身。王鞠躬拜。

興。拜。興。平身。典祠啓跪。搢圭。王跪。搢圭。執事捧

福酒。東向跪。進于王。王受福酒。典祠啓飲福酒。

王祭酒少許。飲福酒。以爵置于地。執事官東向

跪。進胙于王。王受胙。以胙授左右。左右西向跪

受。典祠啓出圭。王出圭。啓俯伏。興。鞠躬拜。興。拜。

興。平身。王俯伏。興。鞠躬拜。興。拜。興。平身。典祠啓

復位。與典儀導王復位。

徹豆。司禮唱徹豆。樂工奏之曲。諸掌祭

徹豆。樂止。司禮唱賜胙。典祠啓王飲福受胙。免拜。司禮唱陪祭官皆再拜。司贊唱鞠躬。拜。興。拜。興。平身。陪祭官皆鞠躬。拜。興。拜。興。平身。

送神。司禮唱送神。樂工奏之曲。典祠啓

鞠躬。拜。興。拜。興。平身。司禮唱陪祭官皆再拜。司

贊唱鞠躬。拜。興。拜。興。平身。王與陪祭官皆鞠躬。

拜。興。拜。興。平身。樂止。

望瘞。司禮唱望瘞。讀祝官取祝。奉幣官取幣。

掌祭官取饌。至瘞坎位。樂工奏之曲。典祠

啓詣望瘞位。樂止。典儀典祠導王至望瘞位。坎

實半土。典祠啓可瘞。啓禮畢。典儀典祠導王還

次。

郡縣社

周制。州長以歲時祭祀州社。則屬其民而讀法。

凡州之大祭祀蒞其事。漢光武建武初。令郡縣

置社稷。太守令長侍祠。牲用羊豕。惟州所治有

社無稷。晉元帝令郡縣各祠社稷于壇。唐初用

隋制。郡縣二仲月。並以少牢祭社。玄宗時勅諸

州社稷壇制方二丈五尺高三尺四寸出階三等並散齋二日致齋一日郡則刺史為初獻上佐為亞獻錄事參軍及判司為終獻縣則令為初獻丞為亞獻主簿尉為終獻每位祭器尊二籩八豆八簋二簠三用羊豕腊惟正位有幣用黑長丈八尺其祭社祝文曰惟某年月日某官姓名敢昭告于社神惟神德兼博厚道著方直載生品物含養庶類茲因仲春祇率常禮恭以制幣犧齊粢盛庶品備茲明薦用伸報本

以后土勾龍氏配神作主尚享縣祀文以下並用后土祝文曰

敢昭告于后土氏爰茲仲春厥日維戊敬修常祀薦于社神惟神功著水土平易九州昭配之儀實通祀典謹以犧齊粢盛庶品式陳明薦作主侑神尚享祭稷祝文曰敢昭告于稷神惟神播生百穀首茲八政用而不匱功濟萌黎恭以制幣犧齊粢盛庶品祇奉舊章備茲瘞禮以后稷棄配神作主尚享后稷祝文曰敢昭告于后稷氏爰以仲春厥日維戊恭修常禮薦于稷神惟神功

叶稼穡。闡修農政。允茲從祀。用率舊章。餘文同右



宋

制州縣社壇方二丈五尺。高三尺。四出陛。稷壇如社壇之制。社以石為主。其形如鍾。長二尺五寸。方一尺。刻其上。陪其下半。四門同一壝。二十五步。壇飾各隨方色。上蓋以黃土。瘞坎於壇之北。壬地。南出陛。方深取足容物。政和中制新儀。以春秋社日致祭。設登歌之樂於壇上。正配位俱用黑幣。籩八。豆八。簠簋各一。俎二。犧尊三。象尊三。在壇上。為酌尊。大尊三。山尊二。在神位前。著尊二。犧尊二。象尊二。壺尊六。在壇下。設而不酌。祭官常服。闋饌物。視牲充膾。以公服行事。迎神。作寧安之樂。八成。初獻。升降行止。作正安之樂。奠幣。酌獻。作嘉安之樂。亞獻。終獻。作文安之樂。送神。作寧安之樂。一成。**元**制。成宗元貞二年。始定州郡通祀社稷之制。以春秋二仲月上戊日。牲用黝色。羊豕各一。祭器每邊豆各八。簠二。簋二。銅三。俎三。壺尊三。不用樂。

國朝

郡縣祭社稷。有司俱於本城土西北設壇。

致祭。壇高三尺。四出陛三級。方二尺五寸。從東至西二丈五尺。從南至北二丈五尺。右社。左稷。社以石為主。其形如鍾。長二尺五寸。方一尺一寸。剡其上。培其下半。在壇之南方。壇外築墻。周圍一百步。四面各三十五步。祭用春秋仲月上戊日。祝以文。牲用大牢。





集禮卷之十七

郡縣春秋仲月上戊祭社稷儀

齋戒。前三日。三獻官散齋。二日於別寢。致齋。一日於祭所。散齋。理事如舊。惟不吊喪。問疾。不作樂。不判署刑殺文書。不行刑罰。不預穢惡事。致齋。惟祭事得行。其餘悉斷。執事人員齋。各一日於祭所。

陳設。前祭二日。有司掃除壇之内外。設三獻官執事官。次於壇壝門外。為瘞坎二於門外之西北方。深取足容物。南出陛。前一日執事設省。



牲位於北門之外。恭視社主。設太社神位於社壇之南正中。設后土氏配位於社壇之東。西向。設大稷神位於稷壇之南正中。設后稷配位於稷壇之西。東向。正配每位設籩四於神位之左。豆四於神位之右。簠簋各二。登釗各一。於籩豆之間。毛血豆於登釗之前。俎二。於簠簋之前。香燭案於俎前。爵坩沙池於香案之前。祝版於神位之右。正位各犧尊一。山壘一。於壇下。社東稷西。配位各犧尊一。山壘一次之。正配幣篚位各附于酒尊所。盥洗位於稷壇下之東。爵洗位相連於盥洗位之北。初獻官位於兩壇下正中之北。亞獻官位於初獻官之左。終獻官位於初獻官之右。稍後。從祭官位於初獻官之後。引贊位於初獻官之左右。贊禮位於兩壇下之東西。讀祝位於神座之右。掌祭官二人位於神座之左右。司尊。司爵。司洗。捧幣位各於其所。設望瘞位於壇之西北。

省牲。執事者引三獻官至省牲位。南向立。執事者自門東牽牲西行。過獻官前。省訖。執事以

豆二取毛血。

正祭奠幣。祭日。在前五刻。行事執事者入。實尊。壘。邊。豆。簋。登。鉶。陳。毛。血。豆。祝。版。幣。筐。執事者各服垂角唐巾。盤領衫。各就位。引贊。引獻官各服法服入就位。執事者取毛血。瘞於埴所。贊禮者唱。有司已具。請行事。贊禮唱。鞠躬。拜。興。拜。興。平身。在位者皆鞠躬。拜。興。拜。興。平身。贊者唱。奠幣。引贊。引初獻官詣盥洗位。引贊。唱。搯笏。初獻。搯笏。唱。盥手。司盥洗者酌水。盥訖。唱。悅手。司獻。搯笏。唱。盥手。司盥洗者酌水。盥訖。唱。悅手。司

悅者以巾進。悅訖。唱出笏。初獻出笏。引升詣社壇神位前。南向立。唱跪。搯笏。初獻跪。搯笏。執事者以幣跪進于初獻之右。初獻受幣。奠于神位前。訖。稍後。引贊。唱。俯伏。興。拜。興。拜。興。平身。初獻俯伏。興。拜。興。拜。興。平身。次引至稷壇正位。奠幣。並如社壇之儀。引復位。

初獻。贊禮。唱。行初獻禮。引贊。引初獻官詣爵洗位。引贊。唱。搯笏。初獻搯笏。執爵者以爵進。初獻受爵。司爵洗者酌水。初獻滌爵。拭爵。以爵授

執事者引贊唱出笏。初獻出笏。引詣社壇酒尊所。東向立。引贊唱搯笏。初獻搯笏。執爵者以爵授初獻。初獻執爵。司尊者舉罍酌犧尊之醴齊。以爵授執事者。引贊唱出笏。初獻出笏。跪掌祭官奉香。跪進于初獻之左。引贊唱上香。上香。三上香。初獻官上香。上香。三上香。訖。執事者以爵跪進於初獻之右。初獻執爵。引贊唱祭酒。祭酒。三祭酒。奠爵。初獻祭酒。祭酒。三祭酒。奠爵。引贊唱出笏。初獻出笏。讀祝。官取祝跪于神座之右。讀訖。引贊唱俯伏。興。拜。興。平身。初獻俯伏。興。拜。興。拜。興。平身。引詣后土氏神位前。酌獻。並如正位之儀。次詣爵洗位。及升稷壇正配位前。行禮。並如社壇之儀。引復位。

亞獻。贊禮唱行亞獻禮。引贊引亞獻官詣盥洗位。唱搯笏。亞獻搯笏。唱盥手。司盥洗者酌水。盥訖。唱悅手。司悅者以巾進。悅訖。唱出笏。亞獻出笏。引詣爵洗位。引贊唱搯笏。亞獻搯笏。執爵者以爵進。亞獻受爵。司爵洗者酌水。亞獻滌爵。拭

爵。以爵授執事者。引贊唱出笏。亞獻出笏。引詣社壇酒尊所。東向立。引贊唱搢笏。亞獻搢笏。執事者以爵授亞獻。亞獻執爵。司尊者舉罍。酌山壘之事酒。亞獻以爵授執事者。引贊唱出笏。亞獻出笏。引贊引詣社神位前。南向立。引贊唱搢笏。亞獻搢笏。跪。亞獻搢笏。跪。掌祭官奉香。跪進于亞獻之左。引贊唱上香。上香。三上香。亞獻官上香。上香。三上香。訖。執爵者以爵跪進于亞獻之右。亞獻執爵。引贊唱祭酒。祭酒。三祭酒。奠爵。亞獻官祭酒。祭酒。三祭酒。奠爵。唱出笏。俯伏。興。拜。興。平身。亞獻出笏。俯伏。興。拜。興。平身。訖。引詣后土。勾龍氏位。酌獻。並如社主之儀。次詣爵洗位。及稷壇正配位前。行禮。並如社壇之儀。引復位。

終獻。贊禮唱行終獻禮。引贊引終獻官升壇行禮。並亞獻之儀。引復位。

飲福。贊禮唱飲福。贊引引初獻官詣飲福位。南向立。掌祭者各以爵酌兩壇福酒。合置一爵。

持爵詣初獻之左。西向立。引贊唱鞠躬。拜。興。拜。興。平身。初獻官鞠躬。拜。興。拜。興。平身。引贊唱跪。搯笏。初獻跪。搯笏。掌祭舉福酒。爵進于初獻之左。初獻受爵。祭酒少許。飲福酒。奠爵。掌祭者減社稷神座前胙肉。進于初獻之左。初獻受胙。以胙授執事者。引贊唱出笏。俯伏。興。拜。興。拜。興。平身。初獻出笏。俯伏。興。拜。興。拜。興。平身。引復位。贊禮唱曰。賜胙。初獻官飲福。受胙。免拜。在位者皆再拜。唱鞠躬。拜。興。拜。興。平身。獻官以下皆鞠躬。拜。興。拜。興。平身。


望瘞。贊禮唱詣望瘞位。引贊引初獻官以下詣望瘞位。南向立。讀祝。取祝。捧幣。取幣。掌祭取饌。置于坎。及諸從祭官以次而出。

里社

周制。大夫以下成群立社。曰置社。注大夫不得專主地。與民族居。百家以上則共一社。記郊特牲曰。唯為社事。單出里。唯為社田。國人畢作。唯社立乘。共染盛。所以報本反始也。又月令。仲春

擇元日命民社。其社之大者則二千五百家為之。其小者則二十五家亦為之。各樹其土所宜之木以為之主。**漢**制百家以上共立一社。高祖令豐洽扮榆社。里社也。常以春二月。及鴈令民里社各自裁以祠。**唐**制。諸里社正祭社稷儀。前一日社正及諸社人應祭者。各清齋一日於家正寢。先治修神樹之下。又為瘞坎於神樹之北。每位酒尊二并勺。牲用特豕。以俎二分載牲體。邊二。實以棗。栗。豆二。實以菹。醢。簋二。實以黍。稷。

簋二。實以稻。梁。社神之席設於神樹下。稷神之席設於神樹西北。社正奠爵於神位前。祝讀祝文曰。維某年月日某村社正姓名。合社若干人等。今昭告于社神。惟神載育黎元。長茲庶物。時維仲春。日維吉戊。謹率常禮。恭用特牲。清酌粢盛庶品。祇薦社神。尚享。稷座祝文曰。惟神主茲百穀。粒此郡黎。今仲春吉戊。謹率常禮。恭以特牲。清酌粢盛庶品。祇薦于稷神。尚享。祭畢。祝版播于祭所。**宋**諸里社稷祭儀並同唐制。**元**從民



諸里社稷祭儀


諸里凡祭社稷共用一豕。禮器邊豆。簋。簋。許以陶瓦器代之。每位碟二。實以棗栗。碟二。實以菹醢。碟二。實以黍稷。又碟一。以盛毛血。瓦尊一。實以常酒。并酒杯一。祝文無版。則以紙書之。讀祝以社人有學識者充。前祭一日。社正及社中諸預祭之人。各於本家堂前。待客之所。齋一日。社正先遣執事人掃除神樹下四面。為瘞坎於神樹之北方。深取足容物。主祭之家。洗滌厨房鑊器。

以正堂為饌所。至晚宰牲。執事者以一磔取毛血與祭器俱寘於饌所。祭日未明。執事者於厨中烹牲。設社主于樹下。稷主于社主之西。各籍以莞席。設社正拜位於社稷位前南向。設預祭人位於其後。設引禮及諸執事人位。又於其後。執事者於饌所實祭物於磔內。解牲體置于二俎。置酒于尊。書祝文于紙。祭物既備。執事者各捧設于社稷神位前。燃香明燭。自社正以下各服常服。盥手入就拜位立定。執事執壺於尊中。

取酒立於神位之左。讀祝者立於神位之右。引禮者唱鞠躬。拜興。拜興。平身。社正以下皆鞠躬。拜興。拜興。平身。執事者取毛血埋瘞于埴中。引禮唱跪。社正前詣社主前跪。引禮唱上香。上香。三上香。社正上香。上香。三上香。訖。舉杯。執壺者斟酒。引禮唱祭酒。祭酒。三祭酒。社正祭酒。祭酒。三祭酒。訖。讀祝者持祝文跪讀於神位前之右。讀祝訖。引禮唱俯伏。興。稍後。拜興。拜興。平身。社正俯伏。興。稍後。拜興。拜興。平身。又引社正詣稷

神位前。唱跪。社正前詣稷主前跪。引禮唱。上香。上香。三上香。社正上香。上香。三上香。訖。舉杯。執事者斟酒。引禮唱。祭酒。祭酒。三祭酒。社正祭酒。祭酒。三祭酒。訖。讀祝者持祝文跪讀于神位前之右。讀訖。引禮唱。俯伏。興。稍後。拜。興。平身。社正俯伏。興。稍後。拜。興。平身。引禮引社正復位。引禮唱。鞠躬。拜。興。拜。興。平身。社正以下皆鞠躬。拜。興。拜。興。平身。執事徹祭物。讀祝者取祝文焚。瘞于坎所。

大明集禮卷之十



大目録

卷之十

二十八



